



18.november 2020

UKA2020/49

**Aningaasalersorneqarsimasunik aallakaatitassianik nutaarsiassanik, maannarpiarlu soqutiginar-tunik imallit tusagassiuutit aallakaatitsinnaanngornissaat anguniarlugu inatsimmut atuuttumut allannguutissatut siunnersuuteqarnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Aallakaatitassianik nutaarsiassanik, maannarpiarlu soqutigi-nartunik imallit aningaasalersorneqarsimanerat, aningaasaliinermut tunngaviusimasoq suungalu-arpalluunniit, aallakaatitsinnginnermi tunisisup kinaassusaanik takutitsisumik nalunaarutigi-neqartarnissaa piumasaqaataassaaq.(Demokraatit Inatsisartuni gruppiat)**

Demokraatikkut siunnersuutaanut qujavugut. Siunnersuut pissanganartoq aammalu oqaluserissal-lugu pingaaruteqartoq.

Nunaqarpugut radioqarfippassuaqanngitsut aammalu tv-kkut ingerlatsivissuaqanngitsut. Ataasiak-kaannguit tunngavigalugit nutaarsiassatigut oqaatsivullu atorlugit isumagineqarfissarput paasissu-tissiinikkut, aliikkutaqartinneqarnermut, qaammarsaanermut aallakaatitassiisussaataasunik peqarpugut. Soorunami tamanna KNR-mut soorunami sammisaqaaq, tupinnanngitsumik. Innuttaa-sut pigisutut misigisarpaat aammalu oqartussaaqataaffigalugu pisarpaat, soorunami innuttaasut aningaasaataannit ikinngitsunik aningaasalersorneqarmat.

Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014- imeersumi § 48, imm. 6-imi aamma Radiomi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni nr. 8, 5. juli 2006-imeersumi § 28 malil-lugit nutaarsiassanik massakkullu pisunut aallakaatitassianik aningaasalersorneqartunik aallakaatit-sineq inerteqqutaavoq.

Malittarisassat massakkut atuuttut malillugit radioqarfiit tv-qarfiillu aningaasaliisartut atorlugit isertitatik killeqanngitsumik ilasinnaavaat, soorlu assersuutigalugu nunanut allanut angalatitsiner-nut, tamakkulu nutaarsiassanut massakkullu pisunut aallakaatitassianut ilaanngippata taamaaliortoqarsinnaavoq. Allatut oqaatigalugu aningaasaliisarneq aallakaatitassianut allanut tamanut atorneqarsinnaavoq, taamaallaat nutaarsiassanut massakkullu pisunut aallakaatitassianut pinnani. Suliffeqarfiup tamanna nammineq malittussaavaa nakkutigisussaallugulu inatsit malitassaq naapertorlugu.

KNR-ip nammineq aamma innuttaasut nutaarsiassaqarfimmut tassunga kinaassusersiunngitsumut tatiginninnerannut oqaatiginnittutut aalajangersagaq isigisariaqarmat. KNR-imut tunngatillugu

# Nunatta Qitornai

## Inatsisartuni



oqaatigineqassaaq KNR tassaammat Kalaallit Nunaanni nuna tamakkerlugu innuttaasunut aallakaatitsivittut kisimiilluni kiffartuussiviusoq, taamaammallu aallakaatitsisarfiup tatiginassusaanut pi-umasaqaatit sakkortunerummata. Taamaattoqarmallu innuttaasunut aallakaatitsivittut kiffartuussi-viunerani kiffaanngissuseqarnerup tatiginassutsillu apeqquserneqassannginnerat pingaartorujus-suuvoq.

Ikitsunnguulluta imminnut tamatta ilisarimallutalu ilaqutariiffitsinni ajornanngitsuararsuuvoq ki-naassusersiorpalaartumik sulisoqarneranik oqassalluta. Taamattoqarpat eqqunngitsumillu tunnga-veqartumik ilisimatitsissuteqartoqarpat innuttaasut periarfissaqarput tusagassiornermut tunngasumut naammangittaalliorsinnaatitaaffeqaramik.

Aningaasalersuisinnaaneq aammalu allanik suleqateqarluni aallakaatitassiorsinnaanermut periarfis-saqarnerup nassatarisinnaavaa suna tamarmi innuttaasut aningaasaataanit aningaasalersortuaan-nartussaanagu inississinnaavugut. Inatsisitigut immitsinnut killilersimaarnata periarfissanik amerla-nerusunut ammanerusariaqarnermut siunnersuuteqartuniit oqaatigineqartoq tapersernaqaaq. Soorunami tamanna inatsisitigut naleqqussaavigineqartariaqarpoq suleqateqarluni aningaasa-leeqataasumillu aallakaatitassiorsinnaaneq aqutissiuussinnaaniassapat. Tamanna pitillugu aamma isumaqarpugut erseqqissumik suleqateqarsimanermik aammalu aningaasaleeqataasi-masunik aallakaatitassiap aallartinnginnerani ersersinneqartassasoq isiginnaartut aammalu atuisut qanoq isummersinnaaneranik sunniuteqarsinnaammat ilisimasariaqarmassuk.

Isuma siunnersuut qaqineqartoq ataatsimiititaliami sukumiisumik suliarianeqarnissaa inassuti-galugu taperserparput.